



Nazional mailan aritzeko aukera berria urnietarrentzat

Urnieta Kirol Elkarteko senior mailako taldeak igoerako ligaxka jokatu du. Duela bi urte bezalaxe, partida zirrargarriak izango dira. Eskubaloitako John Sanchez kapitainak ligaxkaren gako guztiak eskaini dizkio Aiurri / 4-5

ZATARAIN

euskara bada errenta

**ERRENTA
AITORPENA
EUSKARAZ**

APIRILAREN
8TIK AURRERA
AUTOLIKIDAZIOA
ONARTZERAKOAN,
SAKATU EUSKARAREN
AUKERA



Informazio gehiago:
www.andoaindarraeuskaraz.eus
www.urnieta.eus





Elkarbizik Urigainen solasaldia antolatu zuen martxoan, 'Bizikidetzaren aldeko memoria' izenburupean. AIURRI

Memoria eta bizikidetzaz ulertzeko modu ezberdinak

Elkarbizi taldeak, Oreki fundazioarekin elkarlanean, 2019ko hitzaldi eta tailer zikloari hasiera eman dio. Martxoaren 30ean foroa antolatu zuten Urigainen, 'Bizikidetzaren aldeko memoria' izenburupean.

Xabier Lasa ANDOAIN

Euskal Herrian hainbat elkarre ari dira lanean, hausnarketak eta proposamenak plazaratuz. Batik bat, ETAk jardun armatua amaituz geroztik hartu dute indarra eta protagonismoa. Asko dira eta nork bere ikuspegia agertzen du, konplexua den gai baten inguruan. Maiz ez dute bat egiten hainbat kontzeptuen gainean: iraganarekiko oroimen kritikoa, ETaren eta estatuaren

biolentziei eman beharreko tratamendua, biolentziaren legitimazioa eta deslegitimazioa, biktimei zor zaien egia eta justizia, biktimen gizarte funtzioa, etorkizunerako irakaspenak, zer da bakea eta zer bizikidetzaz...

Azalpenak eta parte hartzea

Ordu erdiko mintzaldia egin zuten bost elkarteetako ordezkariak. Eta ondoren, entzuleen txanda heldu zen. Pertsona askok

altxatu zuten eskua parte hartu nahian, baina moderatzaileak ezin izan zien denei aukera eman, denbora faltagatik. Gogoan elkarteko Ariztimuñok Andoainen iraganean gertatutako hainbat pasarte hartu zituen gogoan; mahaikideak eztabaidarako jarritzen ari ziren gai eta kontzeptuak orokortasunetik konkretura jaitsi nahi izan zuen, eta horrek zenbait entzuleren iritziak eragin zituen, hain zuzen.

"Giza eskubideen urraketa berberei eskubide berberak dagozkie"

JON MOÑUX ARGITUZ

Gipuzkoako udalerrri askotan, tarteamñ Andoainen, memoria txostenak landu ditu, herri mailan gertatu izan diren giza eskubideen urraketen erregistroa eginez.

- "Egia guztiak biltzea da gure irizpide nagusia, alegia, motibazio politikoa duten indarkeriazko gertakizun guztiak: erailketak, torturak, bahiketak, estortsio ekonomikoak, mehatxuak, jazarpeneko biolentziak... ETA, CCAA, BVE, GAL, gerra zikina edo polizien gehiegikeriak eragindakoak. Ekiparaziorik, ekidistantziarik eta jerarkiarik ezarri gabe".
- "Giza eskubideen adierazpen unibertuala da gure erreferentzia, esparru teorikoari dagokionez. Batez ere bere printzipioetako bat gurea egiten dugu: giza eskubideen urraketa berberei eskubide berberak dagozkie, diskriminazio ezaren printzipioari jarraituz; berdin dio nor izan zen urraketen eragilea".
- "Abiapuntua guretzat 1956an dago, frankismoak lehen salbuespen egoera ezarri zuenetik, eta frankismo berankorarekin, trantsizioarekin eta demokraziarekin jarraitzen du. Hots, 1956tik hasi eta gaur arte. Ikerketa bat egiterakoan, antolakuntzaren eta metodologiaren aldetik egokia da oroimen historikoa eta oroimen hurbila bereiztea".
- "Arlo juridikoari buruz, nazioarteko hainbat doktrina hartze ditugu kontuan, biktime kontzeptuaz eta haien eskubideaz nazioarteko legediak jasotzen dituenak, eta baita Espainiako estatuko eta Euskadiko Autonomia Erkidegoko legedia ere".
- "Metodologiari dagokionez, motibazio politikoko gertakizun guztien kronologia egiten dugu, herri bakoitzeko dokumentuak eta testigantza eta iritzi pertsonalak bilduz, zinegotziak edo zinegotzi



Jon Moñux. AIURRI

ohiak, biktimeak, kultur eta gizarte mailako eragileak, preso ohiak... Aniztasuna bermatzen saiatzen gara, baina gure asmoa ez da inkesta soziologikoa egitea".

- "Herriz herriko txosten horiek ez dira biktimen eta urraketen zerrenda soil bat. Gertatu denaz hausnartzeko eta oroimen hurbilari ekarpena egiteko tresna da".
- "Iraganetik irakaspenak ateratzea da helburua. Alegia, iragana ahaztu gabe, ibilbide eta pentsaera ezberdineko herritarren artean memoria partekatzen saiatzea da giltzarria".
- "Herriz herri lantzen ditugun txostenen amaieran, zenbait iradokizun planteatzen ditugu. Besteak beste, honakoak: biktime guztienganako aitortza bideratzeko ekimenak sustatzea; biktimen arteko hurbilketa prozesuak garatzea; txostenaren inguruan eztabaida irekitzea herriko esparru ezberdinetan; egia bilatu gehiago sakontzea, datuak ikertuz eta txostenaren mugak gaindituz; transmisioa bermatzea, gazteei zuzendurikoa lehenetsiz; hezkuntzarako plan berariazkoak eratzea, ikastetxeekin bat eginez; Oroimenaren eta Bizikidetzaren arloan elkarlanerako topalekuak sustatzea, kontseilu edo foroak eratuz, gizarte eragile, biktime eta udal ordezkarien artean".

“Komeni da Andoainen bizi izan zen izuaren giroa gogoratzea, Euskadiko beste herrietan bezala”

EUGENIO ARIZTIMUÑO GOGOAN

Gesto por la Paz-eko kideek osatzen dute, batez ere. Indarkeriaren deslegitimazioa bilatzen dute.

- “Komeni da Andoainen bizi izan zen izuaren giroa gogoratzea, Euskadiko beste herrietan bezala. 1990eko azken urtetan eta 2000ko hasieran izan ziren bost gertakari ekarriko ditut hona, kronologikoki. Lehen: Jarrairen panfleto batek zioen: “kontuz txibatoak, Munipa kolaboratzaileak. Jelkidez jantzitako zipaioak, sasi ezkertiar azpi-sugeak. Estatu zapaltzaile terrorista hau sustengatzen ari zarete”. Bigarrena: Andoaingo HBK publiko egin zuen idatzia, non zinegotzi emakume batengatik zioen azalez aldatzen zuen suge politikoa zela. Hirugarrena: panfleto mehatxagarria, diana batek inguratutako zinegotzi



Eugenio Ariztimuño. AIURRI

irudi batekin eta Euskal Herriatik aldegeteko eskatuz. Laugarrena: Andoaingo bizilagun bati bidalitako idatzi anonimoa, Gesto por la Paz en ekitaldian parte hartzeagatik “ezustekoa” eduki dezakeela gogoratuz. Eta bosgarrena: maiatzaren 8an, Andoaingo kaleetan zehar ikusitako pintadak. Kale Berriko

atzealdean bi topatu nituen: “Foro de Ermua, hijos de puta”, “De Lacalle jodete asesino”. Plazaolako atzealdean, berriz, beste batak hala zioen: “Jose Luis Lopez de Lacalle, jodete, ETA herria zurekin. Presoak gose greban, elkartasuna. Giza eskubideak non daude?”. Ez ziren 24 ordu pasa hil zutenetik”.

- “Oroimen duina aldarrikatzeko, ezinbestekoa da erantzukizunak identifikatzea eta bereiztea, eta baita, nor den biktimeta eta nor ez. Biolentzia, batez ere, ETaren terrorismoak ekarri du. Sufrimendu handia eragin du”.
- “ETA diktaduraren testuinguruan jaio izanak ez du justifikatzen bere ibilbidea. ETaren ekintzen erantzukizuna bere kideena da soilik, libreaki erabaki baitzuten biolentzia praktikatzeko”.

“Irizpide politiko eta ideologikoak etikaren gainetik jartzen dira”

PATXI MEABE ETIKER

Setien gotzainaren inguruan eratutako Etikarte Fundazioarekin du harremana.

- “Ez da gauza berbera eragindako mina eta samina aitortzea, eta, eragindako min eta samin injustua aitortzea. Iruditzen zait sarkastikoa dela nork bere burua biktimeta irredento gisa aurkeztea, iraganean indarkeria ilegaltimota babestu eta justifikatu duenean; edo eta, hirugarren munduan gertatzen diren indarkeriaren aurkako adierazpenak egitea, eta aitzitik, begiak ixtea gauza berbera gertu-gertu eduki dugunean”.
- Zoritzarrez, ikusten ari gara Gasteizko Legebiltzarreko ponentzian guztiek ezin dutela onartu iraganean ez zela arrazoirik egon terrorismo politikoa praktikatzeko.



Patxi Meabe. AIURRI

Irizpide politiko eta ideologikoak etika humanistikoaren gainetik jartzen dira”.

- “Ezeren gainetik, argi adierazi behar da gertatu dena ezin dela errepikatu. Pertsonen duintasuna eta bizitzeko eskubidea edozein ideien gainetik daudela.

“Gizarte zibilak izan behar du bake eta bizikidetzaren dinamikaren bultzatzaile nagusia”

AGUS HERNAN FORO SOZIALA

Elkarte, sindikatu eta norbanakoek osatutako kolektiboa da. Desberdinen arteko elkarriketarako espazioa izateko jaioa da.

- “Iñaki Arrizabalaga biktimak dioen bezala, mikro kontakizunekin egin beharko dugu aurrera, eta eraiki denok partekatu dugun espazioa, denok gustura sentitzeko moduan. Bost osagai beharko dira: 1.- Bakearen eta giza eskubideen oinarritutako etorkizun baten aldeko konpromisua; 2.- Gertatu den guztia jakitea eta mahaian jartzea; 3.- Kontakizun guztiek entzun behar dira; 4.- biolentzia praktikatu edo babestu duten eragile guztiek irakurketa kritikoa egin behar dute; 5.- Biktimak gustura egon behar dute espazio horretan”.



Agus Hernan. AIURRI

- “Oroimenean gaian, bi errealitate daude. Batetik, jadanik 22 udalerrietan ezberdinen arteko elkarriketak sortzeko espazio edo foroak abian jarri dira, eta zenbaitetan agiriak kaleratu dituzte.
- “Gizarte zibilak izan behar du dinamika horren bultzatzaile

nagusia. Eta horretarako auker asko daude: 1.-Andoainen eta beste 22 udaletxetan abian jarri diren dinamikaren antzekoak indartzu, eta ezberdinen arteko espazioetatik eraikiz. 3.- Beste eskarmentutatik ikasiz, nahiz eta geuk geure etorkizuna eraiki behar dugula jakin; 4. Alderdi politikoen oroimenaren eta bizikidetzaren ponentzian sakonduz”.

- “Atzera begiratu behar da atzerantzko ispiarekin, baina aurrea begiratu. Eztabaidei irtenbidea topatu behar zaie, ez gara korapilatu behar bidean. Kotsentsuak topatu behar dira politika publikoak egingo dituztenekin, alde politikoekin alegia.
- “Belaunaldi gazteen artean dagoen ahazturak kezkatzen gaitu.

“Memoriari dagokionez, Nafarroan ikuspegi murriztailea izan da”

JUANA GARCIA ZABALTZEN

Nafarroako ikuspegitik ari dira lanean.

- “Nafarroan sustrai politikoa duen biolentziari lotutako desmemoria egon da historian zehar. Demokrazian bi biolentzia mota izan dira, ETAK eta eskuin muturrak eta estatuko funtzionarioek eragindakoa. Aldi berean, bi ikuspegi murriztaile egon dira: soilik frankismoko biolentzian sakondu nahi duena, eta soilik ETaren biolentzian sakondu nahi duena”.
- “Frankismoa eta demokrazia bizi izan ditugun belaunaldiak nolatan ez gara eraildakoen alargunak edo seme-alabak eta horien hiltzaileak identifikatzeko gai izan? Hona Nafarroan desmemoria eragin duten zenbait arrazoi: 1. Giza faktorea: sufritu zuten familiek beren oinordekoak



Juana Garcia. AIURRI

babestu nahi izan zituzten; 2. Herriz herriko errepresioaren makina bat herritarrek hartu zuten parte, gizarteari deserosoegia egin zitzaion atzera begira jartzea; 3. Biktimak gehien zeuzkaten PSNk eta UGK ez zuten parte hartu trantsizioan piztu zen mugimendu memorialistan”.



John Sanchez *Jonky* UKE taldeko kapitaina da. JUANCARUKE

“Helburua igoera lortzea da; ligaxka irabazita bada, hobe”

JOHN SANCHEZ UKE SENIOR TALDEKO ESKUBALOI JOKALARI ETA KAPITAINA
Maiatzaren 1ean hasiko da ligatxoa; Bergara, Legazpi, Munttarpe, Escolapios eta Askartza izango ditu aurkari UKEk. Garailea 2. Nazional Mailara igoko da

ANDONI URBISTONDO URNIETA

Indarberritzen ari da John Sanchez *Jonky*, Urnietako Kirol Elkarteko eskubaloi senior taldeko erdikoa eta kapitaina (23 urte). Oporretan dago, baina Pedagogia Egokitzen Ikastaroa on-line (CAP) egiten ari da. Konfiantza badu, igoera zuzena lortu nahi dutela dio. Ligako lehen erdian jokalar berriak akoplatzeko izan zituzten zailtasunak atzean utzita. Egutegiarekin kontent dago, “Legazpiren kan-

txa saihestu eta fasea etxean bukatuko dugulako”.

Zenbat urte, dagoeneko UKE eskubaloian?

Ez dakit, eskola kiroletik. Hamabost bat bai. Urte asko.

Bigarren igoera fasea lortuta, zer moduz dago taldea?

Nire ustez orain ondo. Kosta egin zitzaigun denboraldi hasieran, jokalar berri asko etorri zirelako, eta azkenean, pieza berriak enkajatzea, akoplatzea ez delako erraza. Baina hilabe-

teen joan etorrian lortu dugu, eta orain ondo gaudela uste dut. Pieza berriekin ohitzea ez da erraza. Ni erdikoa naiz, eta Karra-rekin ederki moldatzen naiz –Egoitz Karrazedo, taldeko beste kapitaina–, badakit keinu bakoitzarekin zer esan nahi duen. Unai Lejardirekin, adibidez, kostatu egin zait. Mutilak sekulako kalitatea dauka, baina kimika egokia lortu arte denbora behar da, eta orain lortu dugula esango nuke. Alor fisikoari

lehentasuna eman genion denboraldiko lehen hilabeteetan, jokalar berri asko genituelako, agian, eta alor taktikoari garrantzi gehixeago eman behar genion. Orain taldea ondo ikusten dut, konfiantzarekin. Joseba Errazkin ere osatu da, eta oso pieza garrantzitsua da guretzat, mutiko bat bada ere.

Denboraldi hasiera ere berezia izan zen, bi talde egin behar izan baitzen jende asko zinetelako.

Berezia ez dakit, naturaltasunez bizi izan genuen egoera. Talde bat Gipuzkoako Lehen Mailan lehiatuko zen, eta bestea Bigarren Mailan. Bereizketa ez zen traumatikoa izan, eta entrenatzaileak bere eskema zeukan, behar jakin batzuekin, eta kito, berak erabaki zuen ze jokalar nahi zituen Lehen Mailako taldean. Pertsonalki une gogorrak izan ziren niretzat. Bixen (Gorka Vicente), Erlaitz, Xabat... Bigarren Mailako taldean ari dira, eta ni berarekin aritu izan naiz bizitza guztian... Edo Josu Irigoien atezaina bera, oso giro ona sortzen baitu. Klubaren lehentasunak finkatu ziren, eta Bigarren Mailakoak Lehen Mailara igotzea zuten helburu, eta Lehen Mailakook 2. Nazional Mailara.

Denboraldia irregular samarra izan da...

Hasieran dena ondo joango zela pentsatzen genuen. Kimikarik gabe ari ginen, baina irabazten. Baina Bidasoarekin galdu genuen, atsedenean 6 gol aurretik izanda, eta porrot horiek mina egiten dute. Pasa zaigu bizpahiru partidetan: mantsoago jokatzen hasi, minutuak aurrera egiteko, eta galdu.

Gazte askoko taldea duzue, baina eskarmentu handiko jokalariek dituen ere bai.

Bloke oso gaztea da. Usurbilen Nazional Lehen Mailan aritutakoak dira gazte asko, baina gatzetasunaren eskarmentu falta hori urteekin irabazten da, jokalar onak izanda ere. Bloke berri bat egitea beti da zaila, partidak erabakitzen direnean halako urduritasuna sumatzen da. Orain bi urte jokatu genuen igoera fasearen aurreko partida orekatuak irabazi egiten genituen, bazatzen hor kimika berezi bat. Denboraldi honetan falta zaigu segurtasun hori.

Eta nabaritutako al da, segurtasun falta hori, igoera fasean?

Ez dakit, ze guk, normalean, neurri onena sailkapeneko goial-

dean dauden taldeen aurka eman izan dugu. Akatsak gu baino okerrago zeuden taldeen aurka izan ditugu, eta dagoeneko, ez dugu horien aurka jokatuko. Onenen aurka beste jarrera bat erakutsi dugu, hasi eta bukatu arte egurrean, eta horrek konfiantza ematen dit.

Zozketarekin gustura zaude, ezta?

Bai, Legazpiren aurka etxean jokatzen dugulako, eta han ez jokatzea gauza ona da. Ikaragarria da hango giroa, nola babes- ten duten taldea, eta han irabaztea oso zaila da edozein talderentzat. Legazpiren aurka etxean jokatzea gauza ona da. Gipuzkoako taldeen aurkako emaitzak errepasatuz gero, emaitzak nahiko onak dira. Munttarperen aurka biak galdu ditugu, baina gol bat eta hiru goleko aldearekin. Bergararen kontra han galdu, egun txarra izan genuelako, eta etxean berdindu, baina sailkatuta geundenean, eta Legazpiren aurka, etxekoa irabazi, eta Legazpikoa berdindu. Bizkaiko taldeen inguruan ez daukagu erreferentzia handirik. Etxean Legazpi eta Leioako Askartza ditugu. Legazpi 10 goleko errentarekin irabazi genion, ikusiko dugu Askartzaren aurka. Gustuko dut, era berean, ligatxoko lehen hiru partidak gipuzkoarren aurka izatea. Alegia, ezagutzen ditugun taldeak. Lehen bi partidak irabaztea funtsezkoa da. Bergaran lehenengoa, maiatzaren 1ean, eta Legazpiren aurka, maiatzaren 4an Urnietako kiroldegian. **Eta bizkaitarrekin zer egin behar duzue?**

Ba Legazpi, Bergara edo Lezon jokatuko dituzten partidak ikusten saiatu, halako scouting edo azterketa bat egiteko.

Ligatxoko garailea zuzenean igotzen da, baina sei taldeetatik bakarra geratzen da aukerarik gabe. Beste lauak halako Lauko Finala jokatuko duzue. Horrek lasaitasuna ematen al du?

Benoa, nik igoera zuzena lortu nahi dut, eta hala ez bada, bigarren postua eskuratu, bigarren geratzen denak derrigor Lauko Final edo kanporaketa horiek antolatuta behar dituelako, ekaineko lehen asteburuan.

Zein da UKE-ren erronka?

Ligatxoa irabaztea. Azken asteetan izan ditugun solasaldietan eta garaipen gosearekin ikusten dut taldea, eta taldeko jokalar beterranoen ere hori diote.



Helburu nagusia dute urnietarrek, igoera jokatu eta eskuratzea. JUANCARLUKE

Zenbat garaipen behar dira ligatxoak irabazteko?

Lau garaipenekin nahikoa izan liteke. Bostetik lau, parekotasun handia egongo delako.

Bostetik lau. Ez al da asko?

Baliteke... Baina lau lortzen dituenak igoera lortuko du.

Nolakoa izan da zure denboraldia?

Beno, entrenatzailearen jarraipena izan naiz kantxan. Erasoan bakarrik jokatu dut, defentsan aulkian egon naizelako ia beti. Horrek erasoan freskoago egotea eragin du. Bere alde txarra ere badu, defentsan jokatzen ez baduzu tentsioa galtzeko arriskua dagoelako. Karra-rekin egiten dut aldaketa, eta ondo moldatzen gara.

Zer suposatzen du zuretzat igoerak?

Dena! UKEk ez du inoiz halakorik lortu, eta kristorena litzateke. Ez dut eskubaloia utziko, igoera hori lortu arte. Eta aurrean daukagun talde puskarrekin aukera hori ez gauzatzea akats handia litzateke.

Eta zer suposatuko luke 6.500 biztanleko herri batentzat Eskubaloiko 2. Nazional Mailan eskubaloiko talde bat izatea?

Lorpen handia. Gero, agian, kristoren muturrekoa hartzen duzu, eta berriro maila galdu, oso talde onak daudelako 2. Nazional Mailan, baina bi urte atzera, igoera fasean ikusi genuena errepikatzea nahi nuke. Alegia, kiroldegia beteta ikustea, inoiz eskubaloia ikustera joan ez den urnietarra harmailetan ikustea, taldea animatzen.

Askotan Zarautz edo Legazpira joaten zara, eta inbidia sana sentitu, han herria nola inplikatzen den eskubaloiko taldearekin, harmailak lepo beteta, zure koadrila guztia han animatzen... Oilo ipurdia jartzen zaizu!

Zerbait badabil herrian...

Hala entzun dut, bai. Inoiz ez zait ahaztuko, orain bi urte, Ordiziaren aurkako partida. Galdu egin genuen, baina partida bukaeran bi taldeak hurbildu ginen harmaila txoko batean zeuden dozenaka gazte haiengana, euren laguntza eskertzeraz, eta benetan, ikaragarria izan zen. Partida betean tentsio ikaragarriarekin zaude, baina animoak entzuten dituzu, eta sekulako indarra ematen dizute. Nik gutxitan gozatu izan dut orduan bezala. Horrelakoak bizitzeko aukera hutsa izatea ikaragarria da.

Oso jokalarik onak zara, eta Urnietatik mugitzeko aukeraren bat izan duzu, mailaz igotzeko, baina ez zara mugitu. Zergatik?

Beno, aukera aukera... Probatu, agian. Jokatu, ez dakit. Urnietakoa naiz, nire koadrilako lagunak ditut alboan lan saioetan, eta non hobe, etxean baino? Nire herriko taldearekin jokatu nahi dut 2. Nazional Mailan.

Ligaxka maiatzean

- V.1 Bergara-UKE
- V.4 Urnieta-Legazpi
- V.11 Munttaper-Urnieta
- V.18 Escolapios Bilbo-Urnieta
- V.25 Urnieta-Askartza

Iturzaeta pala txapelketan parte hartzeko deialdia



AIURRI

PALA Iturzaeta pala txapelketa herrikoian parte hartzeko izen ematea zabalik dago, datorren maiatzaren 3ra bitarte. Txapelketa maiatzaren 10ean hasiko da eta partidak larunbatero Andoaingo Sorabilla auzoan jokatu dira. Izena emateko bi modu daude: E-postaz (iturzaeta.memoriala@gmail.com) eta telefonoz (636 133 897).

Aurreko finalaren aurretik partida berezi bat jokatu dela iragarri du antolatetarako: "Partide guztien artean zozketa bat egingo dugu, finalaren aurretik partida bat jokatu dutena".

Zanpatuz mendi elkartearen irteera maiatzaren 4an



AIURRI

MENDIZALETASUNA Burgos eta Araba arteko eremuan mendi irteera antolatu dute urnietarrek. Orbañanos herritik abiatuko dira Humion (1436 m) mendira. Hortik Peña Flor (1339 m) eta Mancubo (1184 m) mendietatik barrena jarraituko dute. Gailur guztiak zapaldu eta gero Orbañanos herrira itzuliko dira. Irteera maiatzaren 4an izango da. Ohi bezala, Matxo tabernaren paretik abiatuko dira goizeko 07:30ean. Parte hartzaileek apirilaren 30a baino lehen izena eman behar dute, Ikasmin akademiaren edo Kantoitabernaren.

Herriartekoa maiatzeko lehen asteburuan hasiko da



AIURRI

PILOTA Amasa Villabona-Andoain partida jokatu da Gipuzkoako Herriarteko eskuzko txapelketaren lehen kanporaketan. Maiatzeko lehen asteburuan joanekoa Villabonan jokatu da, eta itzuliko astebera beranduago Arrate pilotalekuan.

Eskuzkoa ez da jardura bakarria izango. Andoain herriak palan eta goma jardueretan ere talde bana aurkeztuko du. Bi kasuetan Errenteria izango dute aurkari.

Ez ohiko txapelketa da Herriartekoa, ez baita klubaren arteko lehia.

Brontzea Pau hirian

PILOTA Andoaingo Gazteleku pilota elkarteko Xabi Alkorta, Koldo Ponce eta Irungo Markel Mutuberriak ordezkatu dute Gipuzkoa, Pau hirian jokatu den txapelketan. Apirilaren 19tik 22ra gazteen arteko larruzko paleta txapelketa jokatu zen, Araba, Nafarroa, Bizkaia, Gipuzkoa, Zuberoa, Landak, Toulouse, Pau eta Islas Reunioneko ordezkariekin.



GAZTELEKU

Multzoko onena

ESKUBALOIA Infantil mailako Leizaran Urdinak taldeak Foru Aldundiko txapelketan multzoko lehen postua ziurtatu du, ligaxka bikaina egin eta gero. Hamar partidatik zortzi irabazi dituzte. Helburu polita dute aurrean, beste multzoko onenaren aurka jokatu eta txapelketa eskuratzea. Denboraldia borobiltzeko aukera bikaina dute.



JOSEMA FERNANDEZ

HITZORDUAK

EMAIGUZUE ZUEN EKITALDIEN BERRI ASTEARTEKO EGUERDIA BAINO LEHEN. Tel.: 943 300 732 / andoain@aiurri.eus

OSTEGUNA 25

ANDOAIN Informazioa

Ataria, Zerga bilketa eta hondakinen informazio puntua tokiz aldatu dituzte.
Anbrosia Olabide.

URNIETA Aisialdia

Sukaldaritza tailerra (2010-2008).
11:00-13:00, Denda Berri.

ANDOAIN Aisialdia

Sukaldaritza tailerra.
17:30, Gazte Lokala.

URNIETA Izen-ematea

Eguzkitan Blai! eta Kirol Udalekuetan izena emateko epea zabalik Bertan bulegoan, Lekaion eta webgunean.
Azken eguna: Maiatzak 7.

ANDOAIN Erakusketa

"Emeek emana", argazki erakusketa.
Ohiko ordutegia, Bastero.

OSTIRALA 26

URNIETA Aisialdia

Bisitaldia Albaolara (2013-2008).
09:15, Irteera San Juan plazatik.
Tiritirantes zirko tailerra
17:00-19:00, San Juan plaza.

ANDOAIN Arropa tailerra

17:30, Gazte Lokala.

LARUNBATA 27

ANDOAIN Aisialdia

Irteera Zaragozako atrakzio parkera.
08:30, Irteera.



Haur pregoia, iazko edizioan. AIURRI

ANDOAIN Santakrutzak

Haur pregoiarekin hasiko dira jaiak Zumea plazan, eta txokolate jatearekin jarraipena izango dute. Gehigarri berezia erdiko orrialdeetan.
16:00. Apirilak 30, asteartea.

IGANDEA 28

ANDOAIN Aisialdia

Askaria Gazte Lokalean.
17:30, Gazte Lokala.

ASTELEHENA 29

ANDOAIN Entseguak

Santa Krutz jaietako danborrada prestatzeko azken entseguak. Ohi bezala, Leizaran jatetxearen ondoko lokalean elkartzeko dira. Herri danborrada maiatzaren 1ean irtengo da, Santakrutz Peñakoa 3an.
19:30, Peña Santakrutz.
20:30, Herri danborrada.

URNIETA Bilera

EH Bilduk bilera irekia antolatu du, maiatzaren 26ko Udal hauteskunderen begira lanean jarraitzeko. Estatuko hauteskunderen balorazioa eta kanpainarako agenda aztergai izango dituzte.
19:00, EH Bilduren egoitza.

OSTEGUNA 2

URNIETA Sari banaketa

Urrietako Udalak antolatuta, haur, gazte eta helduen mailako Antia literatur lehiaketako sari banaketa ekitaldia.
19:00, Sarobe.

ZINEMA

**ANDOAIN****BASTERO****Dumbo**


Lar, 27: 17:00.
Ig, 28: 17:00.
Soinujolearen semea
Lar, 27: 19:30, 22:00.

Ig, 28: 19:30.

Ast, 29: 19:30; 22:00.

URNIETA**SAROB****Ploey:**

Igandea, 28: 17:00.



SINOPSIK

**Dumbo**

Zuz.: Tim Burton. **Herr.:** AEB (2019). **Hizkuntza:** Gaztelania.
Aktoreak: Colin Farrell, Michael Keaton, Danny DeVito, Eva Green.
Iraupena: 111 minutu.

Ipuin ezaguna zineman

Tim Burton zinema zuzendariaren esku utzi du Disney etxeak remake-a

egiteko ardura. Ekoizpenari dagokionez, apustu handia egin dute.

Ploey ez duzu inoiz bakarrik hegan egingo

Zuz.: Arni Asgeirsson. **Herr.:** Islandia (2018). **Generoa:** Komedia.
Hizkuntza: Euskara. **Ekoizpena:** islandia, Belgika. **Iraupena:** 83 minutu.

Hegan egitea helburu duen txoria

Udazkenean, bere familiak emigratzen duen garaian, txoria oraindik ez da hegan egiteko gai. Hori dela eta, Artikoko

negua pasatu beharko du, etsai basatiei aurre egin, hurrengo udaberrian familiarekin bat egiteko.

Ataria, Zergabilketa eta hondakinen zerbitzuak lekualdatu egin dira udaletxeko obrak direla eta

Apirilaren 1etik aurrera, Ataria Herritarren Arreta Zerbitzua eta hondakinen inguruko informazio zerbitzua Anbrosia Olabideko eraikinaren sarreran egokitu dira (Jubilatuen tabernaren ondoan). Eta Zergabilketa zerbitzua, berriz, eraikin bereko hirugarren solairuan.



ZORION AGURRAK



ANDOAIN
Aimar
Dagoeneko 11 urte.
Beti bezain alai
jarraitu.
Mila muxu
etxeko guztion
partetik.



ANDOAIN
Oier
Oierrek 7 urte
bete zituen
apirilaren 19an.
Zorionak
politta eta ondo
ospatu!



ANDOAIN
Malen
Zorionak Malen. Apirilaren 25ean 12 urte
beteko dituzu, egun polita igaro dezazula.
Muxu handi bat.

Urte askotarako!

Zorion itzazu lagunak eta senitartekoak. Oso erraza da, eta dohainik:

www.aiurri.eus
webgunea

"Zorion agurrak" atalean, fitxa osa
ezazu. Urtebetetze egunera bitarte,
ikusgai izango da webgunean.
Ez dadila tamaina handiko
argazkia izan. Tamaina
editatzerik ez, erabili ezazu posta
elektronikoa.

diseinua@aiurri.eus

Mezua eta argazkia bidali, herria
zehaztuz.

Arantzibia 4-5, behe. Andoain
943 300 732.

Whatsappez:
619 16 35 37

Mezua eta argazkia bidali Aiurriko
posta elektronikora herria zehaztuz.

GUARDIAKO FARMAZIAK

ANDOAIN

Larunbata 27 eta igandea 28

ANSA: Ondarreta, 8.
943 591 302. Andoain.

URNIETA

Larunbata 27 eta igandea 28

AIZPURU: Latxunbe berri, 11.
943 336 077. Hernani.
GAUEZ: ALDABE. Hernani.



Lurrazpiko pasabidea ireki zutenean, 2013an. AIURRI

Andoaingo lurrazpiko pasabidea

Udalak pasabidea txukundu eta puntu beltz izaera
saihesteko hainbat neurri hartuko dituela iragarri du

Erredakzioa ANDOAIN

'Kaleberritik Joakin Larreta
etorbidera pasatzeko trenbide-
azpiko pasabidea gune beltz ba-
tean bilakatu da denboraren
poderioz; batzuen portaera txar-
ragatik igogailuak argirik gabe
daude askotan, zikinkeria pilatzen
da garbitu bezain laister eta se-
gurtasun faltaren sentsazioa
nabaria da". Egoeraz jabeturik,
Udalak hainbat neurri hartuko
dituztela iragarri du:

- Garbiketa sakona egingo dute,
egoera txarrean dauden hainbat
elementu berrituz.
- Segurtasuna zaintzeko kamerak
jarriko dituzte.
- Pasabidean eraso sexisten kon-
trakto murala jarriko dute.

Neurri horiekin guztiekin he-
rritar askoren pasabidea gune
segurua izatea espero dute. Era
berean, gunea zaintzea eskatu
diete herrikideei.



Arrula eta Eparza. AIURRI

Literatur solasaldia
Andoaingo
Udal Liburutegian

Erredakzioa ANDOAIN

"Gu orduko hauek" liburuari
buruzko solasaldia egingo dute
Andoaingo Udal Liburutegian,
"Literatur solasaldia" zikloaren
baitan. Liburutegitik adierazi
dutenez, idazlea bertan izango
da. Apirilaren 30ean izango da,
iluntzeko 19:00tan hasita. Txala-
parta argitaletxeak horrela aur-
keztu du liburua: "Zortzi ipuinez
osatua da Garazi Arrularen lehen
liburua, eta azken ipuinak ematen
dio izenburua obrari. Gu
pluraleko lehen pertsona da".

Alderdi nagusien egitasmoak

EH Bilduk, EAJ-PNVk eta PSE-EE alderdiek
hautes-programaren xehetasunak eskaini dituzte

Aiurri.eus

Udal hauteskundeak 2019

EH Bildu izan da hautes-progra-
ma aurkezten lehena. Hedabi-
deetan eta sare sozialetan zabal-
du duten 8 orrialdeko dokumen-
tuaren bitartez, alor guztietako
proposamenak luzatu dituzte.

PSE-EEK, hedabideetara bida-
litako ohar baten bidez, hainbat
ideia zabaldu ditu. Edukiontzi
grisaren irekiera mugagabea
proposatu dute, besteak beste.

EAJ-PNVk, bere aldetik, pro-
gramari lotutako dekalogoia
aurkeztu du. Trafikoa, hirigintza
edota kirol arlokoak dira.

Aiurri.eus webgunea alderdi
politikoen proposamenen berri
ematen ari da.

Hauteskundeak igandean

Hauteskunde Orokorren emai-
tzak aiurri.eus webgunean es-
kainiko dira, igande gauean
bertan.



Aiurri eskuragarri:
Etxez etxeko harpidetza-sistema.
Andoainen urte osoko
harpidetza-saria 37 eurokoa da.
Urnietan, 31 euro.
Aie batzuk eskuragarri kiosko eta
merkatalguneetan.

Egoitza Orokorra:
Arantzibia plaza, 4/5-behea.
20140, Andoain
Tel.: 943 300 732
Faxa: 943 300 731
andoain@aiurri.eus
www.aiurri.eus

Zuzendaria: Jon Ander Ubeda.
Erredaktoreak: Xabier Lasa, Olatz
Lasa, Andoni Urbistondo.
Maketatzailea: Maddi Trubxuelo.
Kudeaketa, harpidetza:
Garbiñe Ugarteandia.
idazkaritza@aiurri.eus
Publizitatea: Fer Irazu.
publizitatea@aiurri.eus
Banatzaileak: Mikel Arregi (Andoain),
Isabel Salaberria (Urnietan).
Diseinua: Goiiena Komunikazio Taldea
Zorion agurrak, merkatu txikia:
diseinua@aiurri.eus | www.aiurri.eus
Whatsapp: 619 163 537
Lege Gordailua: SS-1078/04.
ISSN: 1698-4870.
Tirada: 4.000 ale.
Inprimategia: Zeroa Multimedia.

AIURRIK ez du bere gain hartzen aldizkari honetako orrialdeetan kolaboratzaileek adierazitako iritzien erantzukizunik.



Azken agurra Manuel Berazari

Manuel Beraza Olabarrieta andoaindarra 72 urte zituela hil zen, apirilaren 20an. Azken hiru urtetan Kutxa Fundazioko presidentea izan zen. Ordurarte Mondragon taldean hainbat goi ardura eduk zituen. Asteartean azken agurra eskaini zioten Andoainen

Xabier Lasa ANDOAIN

Kaletxikin izan zuen bizitokia Beraza Olabarrieta familiak. Luis Berazak eta Jazinta Olabarrietak zazpi seme eduki zituzten guztira. Zaharrenetik gazteenera: Manuel, Luis Mari, Ramon, Jexus Mari, Amador, Gurutz eta Xabier. Anaia guztien antzera, Manuelek ere La Salle ikastetxean ikasi zuen.

11 urte zituela Saturrarango apaiztegiko bidea hartu zuen. Bertan bi urte egin, eta Donostiako seminarioan jarraitu zituen ikasketak. 23 urterekin apaiztu, eta Eibarreko parrokiako zereginetara bideratu zuen Donostiako Gotzaitegiak. Bertan zazpi urte egin zituen, uztea erabaki zuen arte.

Euskaltzalea zen eta Ikastolako federazioak Nafarroako Abaigar herrian antolatzen zituen udalekuetan Amaia Arrese andereñoa ezagutu zuen. Harekin ezkondu, eta Beasainera joan ziren bizitzera. Biko-



Argazkian, Manuel Beraza Eneko Goia Donostiako alkatearekin eta Enrique Ramos zinegotziarekin ageri da, Egia auzoan Aldakonea eremuan hirigintza proiektua gauzatzeko Udalak eta Kutxa Fundazioak sinatu zuten hitzarmena aurkeztu zuten egunean, 2018ko uztailaren 10ean. IRUTXULO

teak bi seme alaba eduki zituen, Garbiñe eta Iñigo.

Abadetza utziz geroztik, Manuel Berazaren lan ibilbide guztia kooperatibismoaren mugimendurekin doa lotuta. 1977an Mondragon korporazioko koo-

peratiben munduan murgildu zen, eta lehenbizi automozio arloko Fagor Ederlan lantegiko hautaketa departamenduan jardun zuen.

Mondragon taldean segurtasun, erregulazio eta kontrol

osagaiak ekoizten dituen Ordi-ziako Orkli lantegirako jauzia egin zuen ondoren. Lantegi hori zutitu zuen lan-talde kidea izan zen 1974an, hain zuzen. Bere zuzendari izatera iritsi zen 1986an. Besteak beste, berak zuzendu zituen Orklik Txinan eta Brasilen ireki zituen lehenengo filialen irekitze prozesuak.

2017tik aurrera Mondragoneko Osagaien Arloko Lehendakari ordearen ardurak hartu zituen.

Langilea eta ekintzailea

Jexus Mari bere anaietako batak adierazi duenez, “gizon ona, langilea eta ekintzailea zen, eta berehala egin zuen bat kooperatiben filosofia humanista eta sozialarekin. Taldean lanean oso ondo moldatzen zen gizona zen, eta ikuspegi eta jarrera ezberdinak zeuden tokietan moderatzailearen eta bateratzailearen zereginak betetzea-gatik zeukan irabazia ospea. Egia esan, balio handiko ezaugarri ugari zituen berarekin, eta horri esker nahiko urrun iritsi zen Mondragon kooperatiben munduan”.

“MANUEL BERAZA GIZON ONA, LANGILEA ETA EKINTZAILEA ZEN”

JEXUS MARI BERAZA

Kutxa Fundazioa



MANUEL
BERAZA
OLABARRIETA

1977an Mondragon korporazioko kooperatiben munduan murgildu zen, eta ibilbide oparoa egin zuen Ederlan eta Orkli enpresetan

Orain zazpi urte erretiroa hartu zuen, eta Donostian jarri zen bizitzten. Gizon ekintzailea izaki, berehala Kutxa Fundazioko lehendakariaren posturako izendatu zuten.

Kutxaren Gizarte Ekintzaren kudeaketa eta administrazioa da Kutxa Fundazioaren helburu nagusia. Bere jardueren artean, honakoak daude: garapen sozio-ekonomikoa, kulturala, artistikoa eta asistentziala eta ingurumen-garapena eta interes orokorreko beste xede batzuen lortpena helburu duten proiektu eta jarduerak sustatzea. Fundazio horretako batzordean beste andoaindar bat dago, Xabier Arberas Ezama hain zuzen.



ATE IREKIAK

ZATOZ GU EZAGUTZERA!




ATE IREKIAK BATXILERGOA
Zientziak - Osasun Zientziak - Teknologia

MAIATZAren 2an - 18:00etan
www.magaleikastetxea.eus / 943 551 789



ATE IREKIAK LANBIDE HEZIKETA
Domotika, Robotika, Diseinua, Mantenimendua, Serigrafia, Inprimaketa

MAIATZAren 2an eta 30ean - 18:00etan
www.salesianosurnieta.com / 943 551 789

